

ა(ა)იპ

„საქართველოს ტექნიკური უნივერსიტეტი“

ბრძანება

06.04.2012. № 2/02

[სტუდენტთა მე-80 ღია საერთაშორისო სამეცნიერო კონფერენციის შესახებ]

“უმაღლესი განათლების შესახებ” საქართველოს კანონის 22-ე მუხლით მონიჭებული უფლებამოსილების საფუძველზე

ვ ბ რ ძ ა ნ ე ბ:

1. დამტკიცდეს საქართველოს ტექნიკური უნივერსიტეტის სტუდენტთა მე-80 ღია საერთაშორისო სამეცნიერო კონფერენციის დებულება (დანართი №1);
2. კონფერენციის ორგანიზება დაევალოს სტუ-ს სპორტის, კულტურის, სტუდენტებთან და კურსდამთავრებულებთან ურთიერთობის დეპარტამენტს;
3. დაევალოს ფაკულტეტების დეკანის ფუნქციის შემსრულებლებს კონფერენციის დებულებით განსაზღვრული მოვალეობების ზედმიწევნით შესრულება;
4. კონფერენცია გაიმართოს საქართველოს ტექნიკური უნივერსიტეტის 90 წლის იუბილესადმი მიძღვნილ ღონისძიებათა ფარგლებში;
5. ბრძანება და მისი დანართი (კონფერენციის დებულება) განთავსდეს უნივერსიტეტის ვებ-გვერდზე და გამოიკრას ფაკულტეტებზე თვალსაჩინო ადგილას.

რექტორი




ა. ფრანგიშვილი

ვიზები:


ადმინისტრაციის ხელმძღვანელი
ქ. ქოქრაშვილი




რექტორის მოადგილე
მეცნიერების დარგში
ზ. გასიტაშვილი



სპორტის, კულტურის, სტუდენტებთან და
კურსდამთავრებულებთან ურთიერთობის
დეპარტამენტის უფროსი
ბ. გითოლენდია



იურიდიული დეპარტამენტის უფროსი
ბ. მაისურაძე





დ ე ბ უ ლ ე ბ ა

სტუ-ს 90 წლის იუბილუსადმი მიძღვნილი
სტუდენტთა მე-80 ღია სამართაშორისო სამეცნიერო კონფერენციის შესახებ

1. კონფერენციის ჩატარების ფორმა:

- 1.1. საქართველოს ტექნიკური უნივერსიტეტის სტუდენტთა მე-80 ღია სამართაშორისო სამეცნიერო კონფერენციაზე მონაწილეობის უფლება აქვთ როგორც საქართველოს, ისე უცხოეთის უმაღლესი საგანმანათლებლო დაწესებულებების უმაღლესი პროფესიული სწავლების, ბაკალავრიატის, მაგისტრატურის და დოქტორანტურის სწავლების საფეხურის სტუდენტებს;
- 1.2. კონფერენციაში მონაწილეობის მსურველი სტუდენტი ვალდებულია, გაიაროს ელექტრონული რეგისტრაცია 2012 წლის 6 აპრილიდან 25 აპრილის ჩათვლით ვებ-გვერდზე www.stunet.ge ან www.gtu.ge/student;
- 1.3. კონფერენციაში მონაწილე სტუდენტი ვალდებულია ნაშრომის ერთი ეგზემპლარი წარადგინოს შესაბამის დეპარტამენტში (სექციაში) კონფერენციის დაწყებამდე მინიმუმ 5 დღით ადრე;
- 1.4. კონფერენციაში მონაწილეობის მისაღებად ერთმა ხელმძღვანელმა არ შეიძლება მოამზადოს ხუთ სტუდენტზე მეტი, ამასთანავე, სტუდენტის ხელმძღვანელი არ შეიძლება იყოს ჟიურის წევრი;
- 1.5. უმაღლესი პროფესიული სწავლების, ბაკალავრიატის, მაგისტრატურისა და დოქტორანტურის სტუდენტებისათვის კონკურსი ტარდება ცალ-ცალკე, ერთმანეთისაგან დამოუკიდებლად;
- 1.6. კონფერენციაში გამარჯვებული სტუდენტები გამოვლინდებიან ჟიურის მიერ (თითოეულ სექციაზე ცალ-ცალკე სწავლების საფეხურების მიხედვით). ჟიურის შემადგენლობაში უნდა შედიოდეს მინიმუმ 5 და მაქსიმუმ 7 წევრი (მათ შორის ჟიურის თავმჯდომარე) და ერთი სტუდენტი, რომელსაც აქვს დამსწრის და არა შემფასებლის სტატუსი;
- 1.7. სტუდენტის მიერ საკუთარი ნაშრომის წარმოდგენის დრო განისაზღვრება მაქსიმუმ 30 წუთით;
ჟიურის მიერ ნაშრომის შეფასების კრიტერიუმებია:
 - 1) ნაშრომის აქტუალურობა;
 - 2) ნაშრომში დასმული საკითხის ავტორისეული გადაწყვეტა და დასკვნების დასაბუთება;
 - 3) დისკუსია ჟიურის წევრთან;
 - 4) მომხსენებლის გადმოცემის უნარი.

- 1.8. თითოეულ კრიტერიუმში მაქსიმალური შეფასება არის 10 ქულა. საბოლოო შედეგი გამოითვლება თითოეული კრიტერიუმის ქულათა ჯამური რაოდენობით. ერთნაირი ქულების შემთხვევაში გადაწყვეტილებას იღებს შესაბამისი სექციის უიური;
- 1.9. კონფერენციის თითოეულ სექციაში გამარჯვებული ნაშრომის რაოდენობა არ შეიძლება იყოს სამზე მეტი – ერთი I, ერთი II, ერთი III ადგილი (გამარჯვებულთა გამოვლენა ხდება სწავლების საფეხურების მიხედვით 1.5. პუნქტის შესაბამისად);
- 1.10. სექციის ხელმძღვანელი ვალდებულია სექციის მუშაობის ანგარიში (ოქმი, დანართები და დანართების ელექტრონული ვერსია) წარმოადგინოს სპორტის, კულტურის, სტუდენტებთან და კურსდამთავრებულებთან ურთიერთობის დეპარტამენტში სექციის მუშაობის დასრულებიდან 3 დღის ვადაში.

2. კონფერენციაში მონაწილეობასთან დაკავშირებული ძირითადი თარიღები

- 2.1. კონფერენციაში მონაწილეობის მსურველ სტუდენტთა ელექტრონული რეგისტრაცია იწარმოებს ვებ-გვერდებზე www.stunet.ge და www.gtu.ge/student 2012 წლის 6 აპრილიდან 25 აპრილის ჩათვლით;
- 2.2. კონფერენცია გაიხსნება 2012 წლის 10 მაისს 15:00 საათზე საქართველოს ტექნიკური უნივერსიტეტის ადმინისტრაციული კორპუსის სხდომათა დარბაზში;
- 2.3. კონფერენციის სექციების მუშაობა გაიმართება 2012 წლის 14 მაისიდან 31 მაისის ჩათვლით;
- 2.4. კონფერენციაში გამარჯვებულთა დაჯილდოება გაიმართება 2012 წლის ივლისში საქართველოს ტექნიკური უნივერსიტეტის ადმინისტრაციულ კორპუსში.

3. კონფერენციის სამუშაო სექციები

დამტკიცდეს შემდეგი სექციები:

1. საინჟინრო მექანიკის
2. სამოქალაქო და სამრეწველო მშენებლობის
3. ჰიდროინჟინერიის
4. მშენებლობის კომპიუტერული დაპროექტების
5. ტელეკომუნიკაციის
6. თბო- და ჰიდროენერგეტიკის
7. ელექტროენერგეტიკის, ელექტრონიკის და ელექტრომექანიკის
8. საწარმოო ინოვაციების და ოპერაციათა მენეჯმენტის
9. საინჟინრო გეოდეზიის და გეოინფორმატიკის
10. სამთო ტექნოლოგიის
11. გამოყენებითი გეოლოგიის
12. ნავთობისა და გაზის ტექნოლოგიის
13. ქიმიური და ბიოლოგიური ტექნოლოგიების
14. ფარმაციის
15. მეტალურგიის, მასალათმცოდნეობის და ლითონების დამუშავების
16. მანქანათმშენებლობის
17. სატრანსპორტო
18. საგზაო
19. საინჟინრო გრაფიკისა და ტექნიკური მექანიკის
20. ლოჯისტიკის
21. სატყეო-ტექნიკური
22. არქიტექტურის და ქალაქმშენებლობის (ურბანიტიკის)
23. არქიტექტურის საფუძვლების და თეორიის
24. საზოგადოებრივი მეცნიერებების
25. ლიბერალურ მეცნიერებათა
26. საბანკო ტექნოლოგიების
27. ეკონომიკისა და ბიზნესის მართვის
28. სამართლის
29. თეოლოგიის სექცია

30. კომპიუტერული ინჟინერიის
31. საინჟინრო კიბერნეტიკისა და ხელსაწყოთმშენებლობის
32. ორგანიზაციული მართვის
33. ფიზიკის
34. მათემატიკის

4. კონფერენციის ორგანიზება და მართვა

4.1. კონფერენციის მომზადებას და ჩატარებას უზრუნველყოფს სტუ-ს სპორტის, კულტურის, სტუდენტებთან და კურსდამთავრებულებთან ურთიერთობის დეპარტამენტი სტუ-ს სტუდენტურ თვითმმართველობასთან ერთად; აღნიშნულ დეპარტამენტს კონფერენციის ორგანიზებასთან დაკავშირებით ეკისრება შემდეგი ფუნქციები:

- ა) ფაკულტეტების დეკანატებთან და შესაბამის დეპარტამენტებთან ერთად ამტკიცებს კონფერენციის სექციების ჟიურის შემადგენლობას;
- ბ) ახორციელებს მონიტორინგს კონფერენციის მიმდინარეობაზე;
- გ) ორგანიზებას უწევს კონფერენციაში მონაწილე სტუდენტების თეზისების კრებულის და კონფერენციის პროგრამის გამოცემას, კონფერენციაში მონაწილე სტუდენტებისთვის სერტიფიკატების, ხოლო გამარჯვებული სტუდენტებისათვის – დიპლომების დამზადებას;
- დ) კონფერენციის მაღალ დონეზე ჩატარების მიზნით უზრუნველყოფს სხვა საჭირო სამუშაოების შესრულებას.

4.2. ფაკულტეტის დეკანები და დეპარტამენტების ხელმძღვანელები ატარებენ ყველა საჭირო მოსამზადებელ სამუშაოს კონფერენციის მაღალ დონეზე ჩატარებისათვის: ფაკულტეტის დეკანები უზრუნველყონ თითოეულ დეპარტამენტში (სექციაში) ერთი პასუხისმგებელი პირის გამოყოფას, რომელიც უზრუნველყოფს:

- ა) ამ დებულების 1.3. პუნქტის მიხედვით სტუდენტთა სამეცნიერო ნაშრომების მიღებას;
- ბ) კონფერენციის სხდომის ოქმისა და ოქმის დანართების ელექტრონული ვერსიების წარდგენას სტუ-ს სპორტის, კულტურის, სტუდენტებთან და კურსდამთავრებულებთან ურთიერთობის დეპარტამენტში.

დეპარტამენტები, თემის მოსამზადებლად შესაბამისი მითითებების მიცემის მიზნით უზრუნველყოფენ მიმართულებების მიხედვით ლექტორების მიმაგრებას იმ სტუდენტებზე, რომლებიც გამოთქვამენ კონფერენციაში მონაწილეობის სურვილს.

5. კონფერენციასთან დაკავშირებული სხვა ღონისძიებები

სამეცნიერო კონფერენციასთან დაკავშირებით განხორციელდება სხვადასხვა ღონისძიებები: გამოიცემა კონფერენციის პროგრამა, გამარჯვებულ სტუდენტთა ნაშრომების თეზისების კრებული, ასევე კონფერენციაში მონაწილე ყველა სტუდენტს გადაეცემა სერტიფიკატი, გამარჯვებულ სტუდენტებს კი - შესაბამისი დიპლომები.